

賢劫經卷第一

亦名毘陀如三昧
平日賢劫定經

西晉月氏三藏生法護譯

問三昧品第一

聞如是一時佛在舍衛國祇樹給孤獨園終竟三歲殆初三年悉具衣服所化已周著衣執鉢遊維耶難與大聖眾無數百千諸比丘俱菩薩八十億余時世尊處在閑居安然庠序從燕室興慧王菩薩喜王開士精專獨處亦尋起出奉迎如來嚴治場地敷設眾座彼時四輩諸比丘比丘尼清信士清信女天龍鬼神阿須倫迦留羅真陀羅摩休勒及人非人咸來雲集一切諸會蒙眾菩薩光明所照皆得安和諸會菩薩一切大聖神智暢達速得慈持已成三昧具足五通目觀眾生一切心念悉分別知所思道俗不懷妄想普布弘訓布施和意自持戒忍精進一心智慧善攝靡不開化遠不退轉領宣道法慈愍群生不抱曠害不慕利養所演經句不異衣食无所著故速深法忍无所從生度

諸所生皆為一切無請之友為師子吼十方啓受濟諸終始使度彼岸勇猛无畏越眾魔事消諸陰蓋无罣碍業了本清淨不疑諸法積功累德不可稱載深入玄妙無極道无意和面悅先發問評言談庠序除去愠色棄萌偽諂歌頌正真无際心行遠致聖忍辯才不断遊无限會强而有勢心如虛空功勳普流行如金剛无所不入无所到處未曾有難識无数劫周遊所歷所說方便一切諸法猶如幻化野馬影響如夢所見水中之月芭蕉泡沫眾變无数梨底没溺无所歸依徃反五屢而救濟之明達眾生所趣善惡隨心所喜演真功勳常懷慈傷无罣害心積无量德莊嚴佛土無限弘誓成就无際諸佛境界覺意常定未曾忘歸歸歎十方現在諸佛體解眾結塵積自大志樂聖慧神通自娛以善權業遊億百千江沙佛土十方所講皆遇聞見明智所修悉能履之雨法甘露潤澤一切道意无量一切普備其名曰慈氏菩薩薄首菩薩

賢劫經卷第一 第二品 四

光勢音菩薩兩音菩薩善德百千菩薩華嚴菩薩自大菩薩明焰成菩薩暢音菩薩奉无量億劫行菩薩覺意雷音王菩薩見正邪菩薩淨紫金菩薩其心堅重菩薩威光菩薩照四千里菩薩越所見菩薩辯積菩薩慧王菩薩不虛見菩薩毘陀和等八大正士又有眾者手菩薩无量真實菩薩智積菩薩大淨菩薩師子乳菩薩音王菩薩淨珠嚴行菩薩師子步暢音菩薩无量辯无畏菩薩如是等菩薩八十億俱於是三千大千世界天下正主四大天王釋梵自在天王大梵天王諸龍王諸鬼神王諸阿須倫王諸迦留羅王諸真陀羅王諸摩休勒王諸捷沓怒王皆往詣佛所各以華香供養散佛上蓮生一面或坐或住余時喜王菩薩觀眾會集即從坐起更正衣服長跪叉手白佛願有所問聽乃敢宣陳佛言恣汝所啓問佛當事事分別宣之喜王即問何謂菩薩常倫道心斷除非法奉行等業消除眾結修三品一經行二住立三生

賢劫經卷第一 第三品 四

定化諸不調徒是超越令其精進而
无瑕穢何謂菩薩成就具足曉知衆
生心性所行言常至誠入諸佛業不
論諍訟隨其衆生音聲言辭入誠諦
慧今現在世觀見十方一切諸佛而
无罣碍見真妙法乃致諸佛至聖捨
願愍念俗法雖遊世俗永无所著修
行禪定一心三昧不從此教而有所
生從泥洹法不取滅度不以不具諸
佛至願而中懈廢乃復現求緣覺之
法不以此乘而退轉墮落取滅度也
意修无量不可限慧心未曾亂入於
若干諸種種境界造无限業若有所問
以辯才慧慈為宣暢攝取无量清淨
佛土速得无餘智慧聖達開化衆生
心无所著不有人想願宣經典不任
顛倒顯示滅度不永寂滅修行得道
亦无所倚如有所好慕於內行以妻
有无今天中天惟見愍念性雖不敏
不敢重啓垂哀宣布尔時喜王菩薩
歎歌此頌

賢劫經 第四卷 四

聞家得道行无數人發意信樂微妙
問普名聞度无量攝智心見勝无餘證
十方散說行尊解脫功德佛勳寂无倫
大聖訓慧行念俗結黑冥速演道光耀
疾觀三千界行道謹如是相好猶衆華
持道无量音三昧等須弥菩薩行如是
无等倫无諂不我无三垢寂寂衆所歎
問人中尊行意堅言和妙所說不闕漏
聖正士燒塵如佛道告我歸命入佛道
晝夜勤无異聞此順法取常正如道訓
若持常定慧神足辯智惠見十方諸佛
問聖致寂然講慧无等倫曉无教定門
所說不懈倦故問十方行不問入樂處
不證境界限妙勝大聖頂惟宣十方行
佛告喜王菩薩善哉善哉所問甚深
愍念一切有三昧名了諸法本菩薩
若行此三昧定得是功勳輒速此行
威神巍巍具足成就二千一百諸度
无極事致八万四千諸三昧門八万
四千諸忍持門體解衆生遍入諸行
疾速无上正真之道成寂正覺佛言
喜王何謂了諸法本三昧若有菩薩
行六堅法身心慈言行相應不違

賢劫經 第三卷 四

三乘不失要指知三乘行如所造業開
示人民言亦如是身清行淨口言柔
和猶如甘露心念解明猶如日光常行
愍哀恒懷慈心无有害意不捨大悲
无惡一切不慕貪烟身行清明志樂
法宜不失篤信尚至誠不廢已願及
一切分別寂滅不永寂滅度脫衆生
隨其本行曉了罪福不乱世俗未曾貪
身不務馳騁愍衆苦惱欲度脫之勸
衆施安不造危殆化諸自大自大消伏
懈者使勤轉進道教修法藏无上慧不
立想人心无弊導不計所有於諸根
本斷除家業志定无為剖判諸想无
所怖望不捨正受常求智慧雖俗言
談志惟遠住講度世業无俗計念意
不忽忘消除陰蔽常思經法心不慌
入所應宜不失節立所行法曉知
世无所犯負具諸業以六度行乘
无信多懷誠信篤佛道常念佛法勤
悔過樂助功德施衆生因勸諸佛轉
法輪應覺歎聖不諛諂積功累德常
精進心不懈廢習勤修遵行道業善
謹法好布施衆念憐傷常抱和意求

賢劫經 第六卷 四

止業不歎止度順如教身口心淨無
 沾汙如是至誠所依言教奉不違廢
 不住欲界不荷色界寂无色界從其
 所行可怖果報而信樂之堅住大乘
 而不退轉入愚冥處若在慳悛心不
 習此等心供養教化眾生今无諛諂
 不歎諸佛不抱害心向眾菩薩不亂
 聖業虛妄之言見諸精進若懈怠者
 而无二心不嫉他供具足而捨棄捐
 憍慢曠恣之想愚顛邪行以消无明
 常省己身不訟彼短慙愧自責不如
 佛法技身行道又知止足棄捨親族
 獸於衰耗不務利養若有所得以分
 與人戒无所犯不習眾人睡眠之尤
 這被廢言常能含忍恒慎口言常立道
 化歎詠精進常悅和心與諸解脫親
 近相習勤數諮問修學開后不捨獨
 燕常行節限切勲之德樂習空義不
 慕有為不荷陰身不樂諸種不受衰
 入不志財利不住境界去於顛倒心
 行堅強修聖賢行觀明心本得眾枯
 地休息眾行施无怖望戒无所念忍
 元所想精進不失禪无所生智慧元

寶如經第一卷 第七法 門

導奉正真法諸度無極入平等位不
 稱已德不毀他切不依生死不得泥
 洄是為解脫消雪情愛建立真諦面
 常和悅捨其慍色而先問說恭敬長
 幼中年之士心常諮讚懷仁思宜无所
 燒害不在言說常歎寂然悛悛之行
 所在和同合眾別離等心慈友无憎
 愛矣求于想持哀愍眾生如父如母
 如身如子如師和上尊長无異奉佛
 菩薩充滿頌風供事如來好樂嚴淨
 不披怯弱敬重三寶所在遊居無所
 穢積度衣服食不貪身命性常清淨
 恒行乞食不捨止足棄於眾會不慕
 家業不樂捨居不在校飭无有虛偽
 言辭可受聞莫不歡勸助眾人使
 發道意元或所行行入順教教數諸
 歎諸佛至真心習道法教重聖眾尊
 順慧明習從智達護眾釋思開化精
 進常宣道德恒遵行法信切德本開
 化眾生好樂篤信講導眾苦威儀清
 淨常立弘仁而有慙愧畏難著耻棄
 捐惡人不賢之黨習究竟業志行脫
 門求賢聖行奉四意止習平等斷異

寶如經第一卷 第八法 門

發諸根遵修諸力觀察覺意不捨道
 行度于寂滅炤耀所觀心无望想忻
 樂法典不犯精舍无所著无所慙不
 顛倒无慾想慕菩薩行佛道曠然而
 无邊際患默邪行消滅徃古无數劫
 時所習邪業修身自淨而無沾汙志
 寂行律尊承重教而无瑕或所行隨
 時捐棄非時曉了堪宜徃來周旋孝
 順二親又知節限衣食供具暢達神
 通鮮明定意不毀正行度脫眾生奉
 受如來所宣經典將護隨順淨眾瑕
 穢導諸佛子施眾菩薩諸佛遊居脩
 眾明智從仁和行樂奉正真勸化一
 切使志好導多樂道義親護三世惟
 好淨業國土報應嚴淨之元常樂赤
 痛如敬二親以遠愆持用為遊觀得
 致三昧則是浴池清白之法為所生
 母以得聖位一切无為專心定意雖
 有所度為无所度無縛无脫无相不
 相所遵導化亦無眾好建立佛土以
 得慈持邦伴諸覺所說清明度魔境
 界戰鬪勇猛煞害眾塵刈除不善志
 願淨光魔不能壞所宣道慧而无窮

寶如經第一卷 第九法 門

盡世莫能獨外眾邪業所不能知過
聲聞法緣覺之等所可歸仰立一切
智解眾生趣所導真諦好喜樂法欲
開眾生樂眾垢者令慕无為以導法
般度于彼岸載筏相濟愍傷諸天領
宣一法所立之虞无所侵欺欲布施
淨其心化悅解諸好感使務道徑若
欲博聞恭敬謙頓不為放恣得三昧
定志行高妙超須弥山樂于五根觀
察眾无心好精進遊不退轉是則
名曰無從生忍新學菩薩所當奉行
眾正士等執持慧懂務求尊聖以勇
力士了无吾我住一切智普解眾生
所當度脫諸天所咨嚵龍神所奉仰
人民所承事疾得造立若干品業諸
不學者咸共歸命諸菩薩等會共讚
歎一切法主志共宣暢諸根寂定以
為城郭善權方便導利一切達得精
思决眾狐疑斷諸猶豫去於虛勞逼
度濟脫无数眾生若有病者為設眾
藥療治諸病消除瘡痛常好思惟通
大精進造達无畏欲師子乳入分別
辯敷演義理神足變化樂聞眾法淨

賢劫經卷第十 四

其道眼照至泥洹棄眾惡趣度於欲
界色界无色界建諸佛土興發如是
如幻三昧坐師子牀具足成就至阿
惟類未曾忘失眾德之本化悅懈廢
拔諸欲僻達立勤修念濟懶隨將導
眾生等化三乘乘指居業一切所有
具一切智得无量門御第一義其於
法律解通空行則斷諍訟好信佛道无
上捨願雖在眾念不懷邪想等見三
世不墮邪觀善權方便普入一切興
顯大道不輕得度樂于法師猶如贊
子不厭其母雖從法師不貪利養觀
察說法不慢眾會不斷法施所問仁
和敬三寶本决眾疑綱奉行懇懇而
不休廢終不違失聖明之業依攝脫
門和悅調定消化塵垢心无所著思
當所念興隆三事諸菩薩業以此三
事顯示眾會甘美味若欲變化頌宣
道業音如雷鳴訓誘生死十二緣起
開通止門向泥洹門慈入弘路其身
安隱心永無患眾聖所受未曾違失
堅固平等如來功勳无能迴轉習
思德本消滅无福亦眾善元學于聖

賢劫經卷第十 四

慧特枯畢竟鮮明之業所行相好不
自侵欺違修佛道顯耀慧品講說佛
土詰問答報所難无際生清白法不
獸佛道不棄少智與難學俱愛敬和
同趣勇猛實心存在行欲有所說將
護都護好喜若干一切報應以示眾
生使无所犯曉了諸法行善方便心
念吉祥所見審諦常自省已可悅他
人裂壞羅網消去无明離于諸行獨
除諸識列於名色寂滅六入斷去眾
受截于痛痒消化恩愛而捨所受盡
於所有拔苦所生度老病死永散苦
惱无有眾難已離苦罪心无所著所
行究暢長濟三厄所觀无穢宣布法
典獨步男子洗浴眾垢消去貪身間
法執持攝御諸法學道不倦入眾德
元未曾迴旋積不可計功勳真義懷
眾佛道光顯法目咨嚵聖眾降伏外
學歎詠法訓行菩薩業不戲樂用消化
日利使速罪福學行猶日恭敬國王
開導眾聖積清白因致不死果所行
威儀識其宿命所生之虞常念不忘
患獸愚法好諸如來功德真正而達

賢劫經卷第十 四

立之元量道勳所執法教歸一切智
 若以頌宣致安住典書寫經文皆棄
 恐畏不墮邊際堅住不動有所講說
 一切世間咸共誦誦過去諸佛悉說
 是法常得親近現在諸佛當來諸佛
 所願具足無上切忤入於一切眾生
 所行耀聲聞乘現緣覺乘奉持佛法
 而不志失一切行門則生佛乎宣暢
 真正速成正慧諮問佛德覆護三世
 開化寂然危宥之難遠權方便分別
 地種入於水種火種三昧建立風種
 又以空種至脫道門淨空種慧導利
 三界不舍眾患消除諸結今无有餘
 捐棄諸著沒眾陰蓋令心憍怕晚修
 身行遊居永安亦了他人所行存沒
 所立之處若演文字不特言辭棄捐
 吾我心已離此諸所依欲雖在其中
 察如鼻犬入於微妙稍稍開寤懈廢
 眾勞越度諸流不壞他黨善進道法
 而无所著恭恪善師捨於睡眠過諸
 尋岸斷狐疑散食媮捨懈倦將護吾
 我光導眾生不立人命不貪求法所
 語不多言辭清和常諦思惟宜當速

賢初經第一卷 第十四段

行仁明道業不用生心言樂閑居行
 於眾中不懷怯弱不求他短自惟身
 行常奉佛道應違平等不久遊居在
 一土地釋諸所食所在皇平滅身眾
 實心不羸劣所修方便將養意念亦
 无所思不以識者求于解脫心常專
 惟興發梵行等遵慈心悲哀布思常
 以行喜和顏悅色以法樂之依蒙親
 護救眾墮害常以戒禁因濟於人入
 三昧定以是智慧慧暢入諸法曉了文
 字思惟究暢解諸結縛令不忍畏入
 諸音聲獲致利義恒好敷演道法所
 施樂佛法眾不厭燕處志存於道无
 有上下不執諸法顯揚隨順不欺眾
 生志樂堅強以為具足夙夜精進而
 不休懈是則名曰了諸法本三昧正
 定菩薩行是遍入一切眾生境界奉
 一切智佛亦時說是頌曰
 行清淨 大聖道 心信樂 元或業
 自覺意 辯才要 是三昧 安住施
 降諸魔 除諸垢 斷因緣 生死欲
 智名稱 言德熱 護三界 度无極
 增慧聖 道方便 賢明種 消恩情

賢初經第一卷 第十四段

度眾患 佛所歎 是三昧 安住施
 入微妙 本際門 以覺了 无瞋恨
 斷苦惱 入永安 是三昧 諸佛行
 心中解 覺意華 受聖文 攝善權
 諸安住 覺念場 說是勝 三昧定
 覺意華 脫照門 猶月威 耀眾星
 道所照 遍三界 是法超 歎喻月
 三達療 今清淨 在閑居 靜樹下
 棄利養 及諛諂 積行求 是三昧
 捐他非 不蔽善 不以利 歎身德
 被三衣 常乞食 親求求 是三昧
 此行禁 習賢聖 問明智 常獨歎
 以咨議 奉行要 疾速是 三昧定
 眾生等 勞諸味 速眾會 樂寂然
 常求是 妙三昧 勿諛諂 慕斯藏
 依慙愧 食解味 禪林卧 居觀寂
 樂无我 常歡悅 講明詰 意永安
 忍他罵 猶空響 在真業 心不怨
 欲遠得 是三昧 當信知 罪福報
 勿習倒 惡趣業 常修空 賢聖元
 夙夜勤 精進力 遠三昧 至慧門
 俱捨斯 无益路 志平等 道真寶
 立无生 觀法義 行是者 佛哀念

賢初經第一卷 第十五段

行品第二

佛言是喜王菩薩以遠得是了諸法本三昧解一切法元有難倒諸法無動不可傾故所行志慕救脫五趣降化界魔自然為伏為天下人眾生愛敬智者欽仰求暢諸法及與非法其德明慧猶月威滿眾星中明在生死久眾生所知勸化一切志性清淨捨諸所受則為三千大千世界之所敬護成致道地分別無我覺無所歸見三難界而化導之為眾生護遠得恭恪不以自大越諸陰蓋曉了諸佛其所頌宣演說滅度應時之宜以復遠致三十二相有利無利若苦若樂有名無名歎毀之事以解是世所有八法悉無所著救諸眾生慰以甘露顯示滅度開悟一切去其惱熱斯聖聖導未曾荷著迷惑六根入十六文字慈持之門識其所至能領宣斯便速慈持何謂十六日元二日度三日行四日不五日持六日尋七日作八日堅九日勢十日生十一日攝十二日蓋十三日蓋十四日已十五日住十

賢劫經第一卷 第六段 四

六日燒是十六事文字之教若解行是十六文字之教遠得無量慈持門地解一切法而得自在擇求一切眾生慧意消眾塵勞悉宜佛道受大勢力暢達真法度脫裂廣開化導利其音和雅猶如哀響遠得普住平等之地為師子吼致妙魏魏忍度無極具足大哀越魔境界通哀音至真之聲去自大得忍辱了深奧義擇定無非所至到處宣无上法攝取一切眾要經典力勢難及分別一切諸法道門知眾生行之所歸趣誠念無數所更歷劫常持諸法滅一切病淨除結細遠斷狐疑速成正覺咨嘆光顯普入一切諸法聖慧能以方便施去惱熱講說諸法已身奉行服甘露食裂眾猶豫捨所居士顯無蓋哀以覆眾生念於宿命所更生處志泥洹德曉眾愚駭諸行所趣獲至尊慈攝一切想建立諸住不失道地超若千變達諸言聲而却一切結解所在周滿佛土遠離五陰而不自大疾了言辭用是之故便降伏魔素諸外學見不可計十

賢劫經第一卷 第十七段 四

方國土現在諸佛聞所說法受持不志如其所願得是三昧而自娛樂若有善薩得是三昧則當謂之遠一切智所以者何以致此定發意之頃一生補處成定正覺從一本起三三至三三至四從其發意轉得佛道所以者何又斯定者則一切智亦時世尊說此頌曰

無量無訓漏而無有等倫 所出無所歸以脫諸所趣 降化無所著 殊勝與無限執持斯景換十方之妙行 棄諱以娛樂心惠眾地塵人中上喜真 言辭甚流利勝蓮元者勳 捐捨所生寶 慈持是法日連立在十方 曉了過解說 勸樂度彼岸天人所重敬 所施濟第一 諸行度無極勇猛而宣德 所將奉章句 至於十力種捐難難從來 乃能致本元 隨心之所好而開化眾人 得行遊正路 所宿止无垢以斯施眼明 所行遊无行 意强多慈愛視人如赤子 人尊諸所至 勸教眾邪業永无所破壞 而眾中暢吼 於是造立行无有眾等倫 得護於十方 及他諸不遠勸樂人无成 長水修開定 仁捨其家業

賢劫經第一卷 第十八段 四

冥法如甘露奉持是經典歸於寂勝在積累多功熟訓講無數人勸悅眾愚等終不久戲速諱解於六趣寂勝而覺善好和安眾人 在此功德行得殊特名勲如月遊无塵度脫天人眾居前无所畏名稱普流勝施殊妙甘露遊此所當行疾致得佛道立於所應往在十方佛所頌宣所當說以化諸天人所講甚微妙亦宣至真行奉修是行業常樂甘露法以降伏魔力仁和安立之超度眾苦趣歸至佛正路所到極善處棄捐周旋但行勇猛方便成就執持德

佛言若有菩薩學斯定意十方諸佛皆擁護之以慈照心使得開明不為陰蓋所見覆蔽速得神通所觀無極諸菩薩眾志共將養使得成就一生補處眾聲聞當普來受歡欲使早成十方蒙度上第七天梵具足王典諸梵天身自遇護遺諸天眾悉來將順切利天上天帝釋王宿命有德識其至心學斯定者違諸天人志下宿衛使行安隱无妄犯者其四天王身自臨之亦遣官屬護于法師四千里外令

寶如經卷第

第二十八卷 四

元何求得其便者令共正法安徐諱誦開化一切生死五趣四輩宗之供養无厭聽受无倦為人說經得同享意靡不坦然各得其所无怨望者雖懷嫉心欲有所乱不能辦之又是菩薩常自忍辱心懷仁和若向瞋者不念其惡若有逆人欲求危害不與共諍惟避捨去不與相見既路相見如不相親慈念十方皆降歸佛勿有惡心誹謗法師念法无惡惟慈其人用懷毒心墮于惡趣三塗之難傷之惡或橫生毒害還自危身猶如樹木風起相指忽然火生還自燒形毒地合毒日日增多還自害身鐵生氣垢自蓋其形愚闇閉塞心不開解不念菩薩法師之思反生害心逆共師父欲危滅之貪妬懷嫉一時自可放心自大不顧大難甚憐傷諸天鬼神虛空天神阿須倫迦留羅真陀羅塵休勤患往作札稽首歸命欲見无厭教教奉迎聽受經典問義受解思惟奉行曾无懈倦諸神敬奉事供養尊重道德如孝于與父母別積年弥久凱

寶如經卷第

第三卷 四

虛无已諸天神明人與非人愛重至德无窮竟已皆是菩薩精進至心學是三昧慈慈所致故有是德佛告喜王菩薩若有菩薩積功累德開化无數百千眾生歡悅踊躍這等元昊不以戲笑因斯速得殊持功勲名德速著十方咨嗟行如須弥安然不動明如日月普曜天下德重如地主生万物道尊位高生諸道品六度无極菩薩法藏心如虛空而無所著獨步三界无所罣碍猶如飛鳥飛行虛空无有足跡猶如蓮華不著塵水十方諸佛志令菩薩行斯定意今佛故宣汝等精進勿得疑或若有比丘比丘尼優婆塞優婆夷及諸凡庶九十六街六十二見蚘蚘蠕動蚊行喘息人與非人學是三昧若聞歡喜各得如願然後會當逮是三昧於是頌曰常光顯 佛正法 信根樂 第一慈行如聲 无吾我 持是寂 妙三昧得自在 覺忍辱 覆三世 猶如盖化遠立 無數人 習是慈 猶如海消舌我 塵勞厄 說佛道 諸滅度

寶如經卷第

第三卷 四

以斷穢化三世疾修行是寂然
 識身命及他人志存念諸佛道
 立存念一切業及運是妙三昧
 多聞專御本際常護安滅苦惱
 化布施甘露味奉行斯佛種性
 好至明願糴轉穢流布普切非
 在象中甚魏魏如月滿秋威明
 諸眷屬財名德在生死佛所知
 其辯才猶水王習三昧達斯切
 法自然无无我不久達敷演義
 如是周三千世真諦行是三昧
 思惟計三千世衆生滿如江沙
 若學歸甘露道所獲慧過於此
 毒不行及刀火无虫地无杖畏
 王羅刹不能害以和心精修是
 不失財不土家无病憂無罪患
 若持是四句法目不言不重聽
 六十二億佛勸設有學思惟是
 若常奉斯慈持精進行是三昧
 若有欲速成道樂第一功德田
 當學是經典本一切致寂然无

四事品第三

菩薩有四事疾速斯定何謂四一曰
 布施不懷望想福施一切二曰持戒

賢劫經卷第一 第三十

不犯諸禁以志大道三曰常抱慈心
 怨憎親友无有二心四曰察於三界
 衆生之類悉我親族未曾外之是為
 四菩薩復有四事疾速斯定何謂為
 四一日常行大慈加於衆生二日常
 行大悲見於三塗衆生苦惱為之雨
 淚欲拔濟之三曰觀衆迷惑展轉五
 趣不能自免顯示正路志德自出四
 曰察衆三流往及終始曾无斷絕身
 苦心惱故慈念之為宜罪福生死
 之本无為之根是為四菩薩復有四
 事得斯定意何謂為四一日觀衆邪
 迷六十二見猶豫沉吟墜於羅網如
 鳥自投貪小小利不覺自害二曰九
 十六種迷惑之徑自造癡冥猶如墮
 城自投燈火已溺三塗五趣周旋輪
 轉无際不能脫身惟有諸佛衆大菩
 薩乃能濟之三曰外衆蓋業符呪害
 人菩薩慈之如狂溺水然後乃悔當
 何所及四曰如射鴉師彈射衆鳥羅網
 捕魚積其罪盖无数億載墮三惡趣
 捨身之安而往殺之為宜罪福生死
 之患示无為業或復顯之无上正真

賢劫經卷第一 第三十

谷使得安是為四菩薩復有四事疾
 速斯定何謂為四一日作佛形像坐
 蓮華上若撲畫壁繒氈布上使端政
 好令衆歡喜由得道福二曰取是經
 卷書者竹帛若長妙素令其文字上
 下齊正三曰誦誦是經晝夜精進不
 捨經文使其通利无一蹟尋聽者得
 解四曰持是三昧諸佛本末一分
 別為人暢義善開菩薩无上正真使
 一切衆咸共誦受不生疑心各得開
 遠是為四佛於是頌曰
 聞是經樂至德 若有人 求此道
 善哉學 斯四句 故獲致 十力種
 八十億 人中王 諸六十 娑女住
 常威護 斯學人 能誦誦 是三昧
 若聞是 獲善利 已得聽 能信樂
 是等成 不疑道 等皆見 生死无
 行佛道 得聞是 樂勿勳 不懈怠
 一切智 如觀掌 書寫持 是經典
 識念住 百千劫 辯才美 得至佛
 彼說斯 寂定意 王子月 詳得聞
 棄國土 作沙門 晝夜勤 聽受法
 家後世 命向終 便往生 他佛國

賢劫經卷第一 第三十

若江沙復過是諸天咸供養佛
從其所聞三昧三劫中成佛道
有佛名无獸寶定光佛所開化
彼聞是得德果是故聞勿懈怠
為十方常所授今我屬慈愍累
仁賢者言柔和是增法道弥藏
法師品第四

佛語喜王菩薩乃往過去无央數劫
不可稱計尔時有佛号辯嚴淨雷音
吼如來至真等正覺彼佛世時有一
法師名无量德辯憶英變音曾聞如
來說是三昧定學是三昧而分別說
用化衆生齊無數億百千諸天人民
以度一切有五太子名淨福報衆音
聞是三昧心中欣然則百千賈妙好
衣以覆法師口發是言普使三界厄
一切衆生皆悉興立得是三昧以是
德本見八十億江沙諸佛造立衆行
奉平等法在諸佛所聞是三昧皆以
頌宣志能堪任奉是定意所生之慶
常識宿命在於无量德淨佛刹成寂
正覺淨福報衆音王太子者則今現
在西方阿弥陀佛是也其法師教化

賢知經卷五 第三十五

賢知經卷一 第三十六

度脫衆生者則大月如來是也其三
太子供養自歸无量德辯憶英變音
法師乃能終竟至七万劫消衆罪蓋
用聞說是三昧定故為其太子除衆
僧債重諸聖導教演道品在在所生
遠无量門愍持之行發意一時彈指
之頃不離佛法佛言時復有佛号曰
面悅淨垢月首藏威如來至真等正
覺出現在世講是三昧有長者子名
雅淨廣心聞說斯法以家之信不貪
居業出為沙門捨七万姝女寶多若
斯有四寶藏及衆珍琦若布積地各
遍三十万有千八百遊觀之處未曾
舉足妄踏于地不用繫心棄國捐王
行作沙門已作沙門万六千歲一心
經行常修精進未曾廢息初不生心
念為懈怠也除其左右飯食添手洗
口未嘗睡眠恒自覺悟亦不極坐竟
万六千歲即時志受佛所說法誦誦
通利音響和雅遠得惣持名普入諸
聲皆令稽首為佛作礼六十六姨諸
天之衆從其語受為之給使身心精
進隨時之安不失所養奉事如來令現

南方得成正覺名一切德嚴世界日德
淨於彼土地成軍正覺尔時世尊說
此頌曰
我憶宿命時无數江沙劫佛号辯嚴淨
雷音吼如來有比丘持法時在師子座
講說是三昧王太子聞之好究竟被
以供養法師善見諸佛尊得佛阿弥陀
其前世有罪往宿之所犯聞說斯慧未
皆盡无有餘有佛號垢月說是三昧定
長者子聞之敬尊便出家於万六千歲
奉進是三昧未曾有睡眠亦不住懈怠
逮斯尊聖道用聽受聞故不復還樂家
亦不慕恩愛見不可計佛皆從講諮受
悉入諸道業疾速成佛道諸願盡具足
其名悅人意遠時得佛道誰不勤是業
於將來之世聞是慧印已財業亦无安
出家无所貪罵詈若過打誹謗來加之
各各聞知法宣布佛所說遣厄百千閻
能忍孃欲難觀察塵勞息自說成佛道
夢中見於佛自喜我正覺而樂斯及法
我不疑佛道倚求音響利以聞斯經典
自曉喻其心不久成佛道聽是經要理
同造于事業无復有罣碍所止如虛空

賢知經卷五 第三十七

於是出家得無教訓養以用親族慈
生心相誹謗分尼除惡業依聞而存意
反輕易他人我以成佛道得遠見成光
供養大聖主行步自驚喜謂已得佛道
其有諷論者離道甚遠教懷慈憂
因輕他人故若有聞此理則知得佛道
不久成正覺得見阿彌陀依倚顛倒者
亦去道迤遠若有不願本佛不授彼次
觀斯長者子施與財寶藏然後行出家
家家而行乞從定光如來曾聞如斯義
如是像三昧精勤敬奉行

佛言菩薩行道以大慈悲護於十方
及化他人諸不達者以六度無極四
等四恩六通善權化眾生類所度元
成使長安隱各捨家業興隆道法為
兩甘露宣傳經典猶如良醫以藥毒
泉風寒熱病三合之病悉為消除心
有四病一曰貪瞋二曰瞋恚三曰癡
實四曰吾我以慈正義列斯四病悉
消無餘致十種力四無所畏譬如日
出眾冥消滅不知所去以善權慈振
大聖耀照于三界五陰六衰十二牽
逆自然為消不知所趣猶月在冥消

賢劫經卷 第十八年

夜寂聞自然為明菩薩如是以道慈
明處生死界三垢之穢心无所著開
化終始无窮之患遠得三昧無所從
生度脫一切猶若大海出諸珍琦珠
異之寶其入採者靡不充倍各得五
滿菩薩如是入大衆海擇取關士玄
妙之法嚴治道場三脫之門周旋三
世殺濟危厄猶轉輪王典主四域天
下戴仰菩薩如是周流一切生老病
死具四等心化此四病永使无餘終
始朽士忽然没盡不知所履譬如船
師度人往反而无窮極以善權慈愍
持之盛敷演深要道法之真遊无殺
劫不以為勞猶如二親生養其子至
令長大成就為人菩薩如是以法權
智行大慈悲勸化愚冥使發道心五
戒十善四等四恩六度无極行權方
便普至十方具足十住一生捕虜无
上正真成軍正覺度脫一切溺在生
死使心坦然反流達源猶如種樹漸
生根芽並節枝葉華實結茂菩薩如
是從初發心便得喜意身意休息无
有五陰三塗之患八難之苦倍患六

賢劫經卷 第十八年

度施戒忍進禪思智慧无所從生永
无所持患無來計不復觀我人身壽
命有无之元在所而現多所救濟生
老病死趣存在世六事法住善權隨時
導到眾生不使迷惑為愚癡六罪蓋所
覆滂如虛空不異衆難殊勝之慈不
死之藥以療一切往來之厄猶如長
者生子衆多各為興起十重高閤使
諸太子遊戲閤上作樂伎樂以娛上
下諸遊觀者世尊如是以无蓋慈無
極大哀行權方便化導三界眾生之
類開示階路十住本末從初發心見
者喜悅莫不發意從一住起行菩薩
道布施救窮三界之匱貧於道者施
以七財以一切智正真之戒堅住菩
薩无極之慈不中取證學仁和意篤
信三寶入无極慈立無盡眾具四等
心四等已具成就五通五通已成倍
患六度六度已達得柔順忍已達
斯忍名曰第二第三響忍解一切響
本悉空寂三界之音皆虛無實元一
真諦以了是義因斯漸入无所從生
法忍悉暢三界皆无根本五趣無元

賢劫經卷 第十八年

了斯慧者乃遠无所從生法忍入諸
 所生心元所生猶如虛空無惜无愛
 因便受决已得受决致現在定見十
 方佛猶如明人其目清徹虛空无雲
 夜觀星宿東西南北仰瞻虚空星宿
 无限悉知其處菩薩如是得現在定
 觀於十方一切諸佛悉知處所名号
 教訓菩薩弟子眷屬多少說法所度
 悉知其數從三昧起為人說法行衆
 空慧其聞所說皆發无上正真道意
 從是續行正領國土教訓衆生見其
 根本應病與藥令得眼行上中下心
 而開化之各令得所猶如聖王有子
 衆多隨才叙用或為太子復立國主
 典四天下或為大臣侍其左右以自
 衛身或為使者宣帝王命菩薩如是
 教化一切隨上中下而開導之或顯
 菩薩无上正真解本際一定之慧有
 佛无佛相住如故心不入深不了是
 教或示緣覺誘進前之至无窮慧乃
 達聖明本无二故猶水泉流會歸于
 海合為一味見吳生死三界之患地
 獄餓鬼畜生之厄畏苦厭身而求登

寶如經第五 卷三第 四

開故為宣示生死之難輪轉无際展
 轉五趣而无竟已咨嗟讚歎泥洹之
 快不生不老不病不死不飢不渴不
 寒不熱无怨無結不開不閉無憂无
 喜無尊無卑不連不断无往無反无
 合无散長離衆難與道通同因詠難
 易苦安之路使學無為稍稍牽前乃
 至大道猶如四瀆入海一味無若干
 別三乘如是至竟窮遠會致一至無
 上正真无際本淨遠至十住名曰百
 伏所以名曰勇伏者何猶如猛將大
 軍之師將諸兵衆降伏嚴敵靡不折
 伏菩薩如是遠勇伏定周旋三界有
 无之上以道昭心莫不通徹各自歸
 之咸發道心坐佛樹下降伏衆魔度
 脱十方佛令時頌曰
 菩薩行大慈常自調其心并化他衆生
 所開度常安醫瘵風寒熱苦薩消三毒
 日出衆靈盡導化消牽連長者十重閣
 十伴轉進然如樹漸長茂切發成道如
 惡出為沙門心存親里眷利物員重控
 心樂在家中不以聞淨法不出家无戒
 成就至佛道是學无放逸末世若學此

寶如經第五 卷三第 四

行聞斯經典以供養利故求名行誹謗
 在前猶首礼歎言甚善哉與其別去後
 便當說其惡倅然而雨淚自歸念其身
 因在衆會中傳說其惡行不欲敬奉師
 不順長聖命已身求其勝乱寂常謂淨
 欲毀他功德自歎無无限知尊而懷嫉
 妬他得供養華香及衣被伎樂幢幡蓋
 供養佛舍利自謂已見佛若聞斯經典
 乃為真供養捐捨一切樂常學是要行
 用為奉已身能捨斯陰蓋當恭敬於經
 猶如須菩提棄忍食受命常習在閑居
 勤修是道經壽在世且盡今告於喜王
 聞斯所行業自知伏共意既信奉順行
 常誹謗於佛是言真不真在於四部衆
 還自謂真論其食利養業不樂佛正道
 是等謂見敬去解脫甚遠其吾大神足
 於是現大勢皆以護禁法奉行故得道
 愆持尊戒法行如愚不及慈捨於貪利
 習寂在閑居今佛建立斯佛所說不虛
 後將來末世是經在其所值光明无量
 復見无恚覺六十二億佛衆會咸共見
 佛慈囑累是然後護是法以是經見即
 然後共將護時兩細微華三千世天人

寶如經第五 卷三第 四

患感咨嗟之用聞斯法故

余時善王菩薩三萬人俱聞佛所說目為淚出恭恪悚慄衣毛為豎偏出右辟從坐而起又手同音白佛我等世尊將來未俗五濁惡世不輕法師若有不敬欲壞普明一切智者臨法欲盡少於學識明不能多清白政法垂欲盡時畏法无常法欲亂時沒其身壽護是如來一切智典使永和安獨處專學一心如屏當受將護如是像經如來至道若干品藏其有學智諸辯才印曉了无量眾德之本當勸化之法印印之慈持種性降魔官屬解一切智所行功勳受持是典書者竹帛若往地獄為一切眾皆忍苦患不以為厭用是三昧故周旋三界五趣之難不以為倦行四等心慈悲喜護四思惠施仁愛利人等利救濟十方愚冥之輩皆發道意地獄休息餓鬼飽滿畜生得脫生天人聞天人心開樂於道法五趣心解信敬三寶不貪世榮觀察三界猶如幻化影響野馬芭蕉見夢水泡水沫暢一切法悉知無真

不知凡第卷 第五十四回

皆發道意欲度十方危厄之難於是喜王菩薩心中悲喜即說頌曰

我以知是業從意好道義不輕如是明咨嗟於世護捐棄其身命求是佛至道於後恐懼世持是三昧定若元央數劫在於地獄中樂持是三昧常當念是苦請一切眾生說法无所共布施眾財物行惡諸罪生假使身命內骨髓血脈斷終不行懈怠後世所生處習在空閑居棄一切所有慈遍眾生類疾者給醫藥不曾學此業如返邪之行當修是真實從斯經中教常奉无放逸隨佛之所誨眾生故忍之我等之伴類獨處若眾中所宿无所畏不貪求利養願宣尊佛道佛說是經時七十三江河沙等眾生從不可計諸佛國來者聞是經典皆得不退轉當成无上正真之道時万菩薩皆悉速得是三昧定其自要擔當未來世奉事法師以供養之三十劫諸天人咸已建立不退轉地當成正覺六十劫諸天人得法眼淨十八億人及是四輩諸法眼生三塗之惡皆已滅盡佛演光明照於十方各江河

賢劫經卷 第五十五回

沙等諸佛世界遍无擇獄上至極界三十三天一切眾生皆得安隱无復眾患使其光明各自然化生無量寶淨德妓百千蓮花一一蓮華皆如未坐其眷屬來詣未坐會亦復如是等无有具是諸佛邊各有喜王菩薩長跪叉手勸諸如來使說是三昧定是一切佛化无央數不可計會眾生无底志今眾人了无邊際无所罣碍至平等覺

法供養品第五

余時佛告喜王菩薩勿以衣食之施奉事如未用為第一也欲供養佛當以法供養而奉事之所以者何乃往過去无央數劫不可編載有佛号金龍决光其壽不可限量國名无量淨眾會不可編計有法師名无量量寶音行在末世東後窮俗學是三昧其餘一切諸比丘眾皆共讚之時彼法師不憚怯弱不貪身命故復勤精講斯三昧入於山中服眾果實時四天王天上諸天人士至二十四阿迦尼吒天人皆來聽經时无數眾咸共念

賢劫經卷 第五十六回

之心志懣悵愁思欲見之欲服聲名聞其法音時世有王名使眾无憂悅音為轉輪聖王往詣其所聽是三昧已得聞之歡悅法師王白比丘志意宣傳勿懷恐畏吾自遣人共相宿衛遣三万人在於左右今與仁此勿以畏難吾當護衛是佛所說甚難得聞時轉輪王遣其千子勇猛傑異一人當千而衛護之三万眾人皆以甘饌而供養之一切施安從其所便常以和心無傷害意而授所當一切所足其彼法師建立威神已之力勢於半劫中演是三昧以是德本則急和同王諸太子及眾眷屬更八十劫見六十億三都街妓諸佛世尊皆從諸佛逮是三昧如心所願受取佛國喜王欲知彼時法師豈異人乎莫造斯觀則今現在阿弥陀佛是也其時國王名无憂悅音者阿閼佛是也其王千子毘陀劫中千佛與者是也佛言喜王今時三万人王使宿衛彼法師者今喜王等菩薩三万人是也彼時種德於此如願獲其果報致安順供是

聖經卷一 第七十六 四

三昧定諸善菩薩業是故喜王菩薩欲學逮是三昧當以恭敬受持書誦分別說之至意奉行佛亦時說此頌曰欲施一切安眾生 具足諸藏滿億千其有發心存尊道 斯功德福不可喻正使十方眾生成類 皆令成就緣覺道一劫之中修供養 其福不比發道心皆使眾生成佛道 隨其所安供一切其有發心在尊道 斯福甚多不可喻若有志求諸佛法 而不發起與道志不如取是四句頌 其福如順護道心正使是世眾生成類 皆建立之存佛道若聞是句而稽受 心不忍畏其福超億百千劫如江沙 一切殊寶滿諸刹常以供養諸菩薩 護一頌偈是殊特是三昧者不可議 若能受護四句頌其以護道佛功德 一切盡歎不能竟臨命終時無數佛 悉自然現在其前十方佛土諸佛尊 將護四句之頌起臨壽終時無數佛 來護其心不忽忘隨其所欲受所生 用以喜是三昧故身常永安心和 往至上賢聖安不知苦痛至佛道 而勸助之名勇猛

聖經卷一 第三十八 四

入億百千无量門 取勝光藏明无眼我住勢力頌宣斯 當勤修是三昧定諸佛於此能頌宣 是故由斯未精進勇佛現在勤修行 元得後世復懷恨便見是法執在手 清和奉行甚清淨皆是我子化無際 承佛前後行慈仁亦時世尊說是三昧已以是三昧而復正受喜王亦三昧定選擇因入七十正法這選擇竟是三昧威神於時維耶離城中八万四千人城外亦復八万四千人各心念言如未至真甚難得值久遠世時乃有佛耳希可見聞多所哀念多所安隱慙傷諸天及十方人今在靜室而三昧定我等方便勸助如來從三昧起於時維耶離城中內外眾人各八万四千先詣舍利弗謂舍利弗佛與希有信者甚難人命難得平等正覺三昧正受誰為我等能覺與乎使眾正覺從三昧起惟見愍念施一切護時舍利弗聞維耶離眾人所說即從坐起往詣佛所住於佛前警揚其音極力彈指手拍兩膝欲令如來從三昧覺因其正受不知如來

聖經卷一 第三十九 四

三昧所如時舍利弗詣目連所以是
本末語目連維耶離城內外眾人欲
願如未從三昧起時目捷速以力神
足動三千大千世界住於梵天暢其
大音欲使如來從三昧覺不能使起
時舍利弗及大目連輒詣賢者阿若
拘倫及波提披破大播憍恒鉢羅云
分縛須菩提迦旃延迦葉阿難分那
餘大劫賓奴和利弥勒菩薩五千菩
薩俱行詣佛所圍遶世尊各各就立
已之常位四大天王天帝釋炎天兜
術天化自在天其欲界中不可限計
諸天人等各各嚴駕皆詣佛所稽首
佛足退住一面各自叉手咸歸命佛
愁感應慕梵天光音天清淨天離界
天乃至淨身天不可計數諸天子等
一切同心稽首歸佛欲令尊興

賢劫經卷第一

摩訶薩向廣曰天藏部經
勅造

第廿四卷 四

賢劫經卷第二

西晉月氏三藏法師譯

同

諸度無極品第六
尔時喜王菩薩燕坐七日無他異念
七日已後試自思惟從燕坐起往詣
高座稽首禮佛及謁一切現諸化佛
并眾菩薩則往佛前叉手禮座於時
世尊寂然庠序從三昧起普觀眾會
已觀眾會默然住稽首自歸時喜
王菩薩前白佛言道法玄妙不可攀
逮无上正真不可譬喻一切菩薩比
丘聖眾諸尊神天皆來集會一切渴
仰飢虛於法會來甚久時以欲過願
有所問若見聽者乃敢發言佛告喜
王在阿樂問狐疑眾結如未急當分
別說之令心解脫无餘罣碍喜王菩薩
復白佛言唯然世尊我向在斯獨處
燕坐心自念言斯諸菩薩積功累德
習志調心好慕佛道諸度無極殖眾
善本以求至真或有菩薩為眾生故
行度无極或以成佛道或以諸菩薩故
行度无極或以生死眾漏之故行度

無極或有无漏行度無極合集此已
隨其所志行度無極長益菩薩而成正
覺如是引普以成因緣初中至竟習
法典目諦受與發諸菩薩眾善權方
便顯隆道法惟說其意時世尊倍加
咨歎喜王菩薩言善哉善哉喜王菩
薩乃能發意諮問如來如是異義殊
特之慧仁以昔曾問過去百千億佛
之所致佛言諦聽善思念之喜王菩
薩與諸大眾受教而聽佛言菩薩有
六事兼習進行法修度无極有六事
光曜度無極亦有六事世度无極亦
有六事為眾生故行度无極亦有六事
住度无極亦有六事生死度無極亦
有六事有所著度无極亦有六事益
他人度無極亦有六事所處度无極
亦有六事道度无極亦有六事慧度
無極亦有六事已修立行度無極亦
有六事有速得度无極亦有六事有
念度无極亦有六事有離三世度無
極亦有六事有所業度无極亦有六
事休息度无極亦有六事有不置速
度無極亦有六事有應慎度无極亦

賢劫經卷第二

有六事有造作度無極亦有無作度
 無極有意度無極有勤修度無極有
 正真度無極有健度無極有深奧度
 無極有雜度無極有清淨度無極有
 無際度無極有信度無極有為眾生
 故行度無極有法故度無極有寂樂度
 無極有樂觀察度無極有一切所入度
 無極有說慶度無極有無害度無極有
 無欺度無極有貧度無極有不迴還度
 無極有迴轉度無極有嚴淨度無極有
 堅強度無極有與成度無極有充滿度
 無極有為世度無極有度世度無極
 有無上度無極有不亂度無極有
 無怨度無極有怨敵度無極有攝
 持度無極有無攝度無極有報應度
 無極有無報度無極有自然度無極
 有無所有度無極有廣普度無極有
 華度無極有無量度無極有慕求度
 無極有所厭度無極有妙樂度無極有
 無樂度無極有聞持度無極有生死長
 度無極有無斷度無極有樂純熟度無
 極有禪度無極有神通度無極有世
 巧便度無極有慈愍護度無極有行
 衰度無極有歡喜度無極有勸邪正

寶如經卷之三 第四十五

見度無極有勤住無住見度無極有
 勤無極有造無造業度無極有勤忍
 度無極有佛興感度無極有明度無
 極有時住明度無極有成就度無極
 有意不怠度無極有佛立家度無極
 有出家來度無極有悲哀博聞來度
 無極有出家不斷戒度無極有住神
 通度無極有神通意不斷度無極有
 入欲度無極有立度無極有應度無
 極有眾報無報度無極有無樂度無
 樂有時進度無極有光明無量光度
 無極有報安光度無極有不迴還度無
 極有娛樂度無極有鮮潔度無極有成
 世法度無極有淨世度無極有成種度
 無極有成眷屬度無極有不壞眷屬度
 無極有除塵來淨度無極有觀土度無
 極有宣捨度無極有無逸度無極有周
 旋度無極有滅度度無極有豪貴度無
 極有理眷屬度無極有無所忘失度
 無極有三十二相度無極有頓時度
 無極有知時度無極有分別世度無
 極有頓世度無極有邊際度無極有

寶如經卷之三 第四十五

獨除度無極有塗剛度無極有造殺
 度無極有自然度無極有伏魔度無
 極有無退度無極有一時度無極有
 無所著度無極有三昧度無極有訓
 誨度無極有佛道度無極有一切智
 度無極有無餘有餘度無極有可止
 度無極有諸佛度無極有方便度無
 極有慈感度無極有真陀度無極有
 異度無極有四意斷度無極有四神
 足試神足度無極有四禪度無極有
 四意止度無極有四諦度無極有信
 根精進根意根智慧根定根度無極
 有信力精進力意力定力智慧力度無
 極有七覺意八品道行度無極有寂
 然度無極有觀度無極有樂明度無
 極有未解脫度無極有比丘聖眾度
 無極有八部會度無極有分別度無
 極有繫解法度無極有分別順理度
 無極有辯才度無極有無厭度無極
 有六度無極有眼耳鼻口身心度無
 極有慈他勸助度無極有慈已度無
 極有法度無極有宣度無極有鄰伴
 度無極有勸樂度無極有三脫門度

寶如經卷之三 第三十五

无極有異行度無極有解他度无極有勤用意度无極有十種力度無極有四無所畏度無極有大哀度无極有五眼内眼天眼慧眼法眼佛眼度無極有自在度无極有娛樂度無極有難得自歸度無極有十八不共諸佛之法度无極有曉了方便度無極有純熱度無極有自然度无極有三界行度无極有觀清白行度無極有法種度無極有八等度无極有道德往來不還无著度無極有緣覺度无極有菩薩度無極有盡慧度无極有無所生慧度無極有建立慧度無極有天眼天耳心知自在見過世事知他人念神足漏盡六通度无極有威儀度无極有愍傷度無極有行空度无極有捨捨度無極有滅度度无極有變化度無極有施布教度無極有分舍利度无極是諸比丘菩薩所行二千一百寂然度无極菩薩大士若速解是皆致得一切諸法殊特玄妙无際之行無等无倫懷未聖語無所恃仰消一切塵無所至湊斷諸狐疑是二

賢劫經卷第二 第七十四

千一百其中別一百度无極主除四
大去六衰令无有餘獨步三界往來
周旋遍入三世猶如日月不畏衆冥
成就万物百穀草木仰天之茂皆因
地生菩薩如是二千一百諸度无極
及是百度無極其二千一百諸度無
極貪嗔怒癡等分四事各二千一百
合八千四百八千四百各別有十事
合八万四千以能具足度无極便已
倍急八万四千衆要上業八万四千
諸慈持門自然達矣便通諸佛五百
聖功品第各別以娛樂化一切衆生
晚成一切所行境界隨時發起靡不
濟安至无極慧本際法身

習行品第七

時喜王菩薩復自佛言我聞世尊粗
舉目要諸佛境界本性不敏不能尋
了義之所歸惟願大聖垂慈愍念善
哉之德當廣歎演斯經要典使一切
解多所哀念多所安隱愍傷諸天及
十方人復為重散佛告喜王菩薩諦
聽諦聽善思念之今當為汝一切比
丘諸菩薩等重解散之喜王菩薩與

賢劫經卷第二 第七十五

諸大衆受教而聽佛言何謂修習行
法度无極有六事從古已來未曾發
意則發平等至真菩薩心在於過去
平等覺所及於衆生布施持戒忍辱
精進一心智慧志樂佛道心願至真
未曾忽忘是謂修治習行而度无極
是為六何謂光曜度无極有六事發
顯明智道心之法已自察戒發菩薩
心始從施起戒忍精進一心智慧是謂
光曜度無極何謂世度无極有六事所
供養佛與功立德皆為衆生六度亦然
拘制六情志慕六通達往業進大道
是世度无極何謂為衆生故行度无
極有六事若以布施攝於衆生心自
念言使諸衆生常獲安隱亦復勸人
入於佛道六度无極亦復如是以戒
安之以苦如空忍辱之法而度脫之
精進濟之以一心攝護於衆生自投
躄倒想速智慧勸助於道欲安衆生
求成正覺欲度衆生是謂為衆生故
行度无極有六事何謂住度无極有
六事若以堅固建立志願道心清和
而無諍訟是施度无極所立遊土觀

賢劫經卷第二 第七十六

無想戒志存道法不求望報是戒度无
 極住於道法忍一切苦堅住道要是
 忍度无極所立正行無失教劫不廢
 精進至一切智是精進度无極修奉
 一心志求法想欲成佛道是禪度无
 極住於道義暢一切法審如至真成
 寂正覺心无有異不抱妄想是智度
 无極是住度无極六事何謂生死度
 無極有六事所施无量而不可盡至
 得佛道周旋生死所在之處致大財
 富是施度无極以勸終始諸惱之患
 恚蒙福慶具足壽命不可限量在生
 死中而不中爰是戒度无極若得他
 對而心不起是謂忍辱不可計劫不
 厭禪定奉行善本是曰精進以所生
 緣禪定正受是名曰禪若以不捨諸度
 无極勸助佛道一切諸業建立伎術從
 其至慧皆令得所是曰智慧是在生死
 六度無極何謂所著塵度无極有六事
 所欲立道衆善德勲皆以勸化衆生之
 類是曰布施如師子猶如聖王有八万
 四千諸宮婁女婁女所違佛道者終不
 與俱使歸三寶消除三百塵衆勞如一

賢如經卷三 第九 四

疾致道術以是戒禁慈勸衆生是曰持
 戒戒之所度為去塵勞順從他心不以
 穢塵是為忍辱精進所者何謂精進所
 度无極去所著故故行精進恐怖於人
 如明王子度知施業因而安之用所
 著故而行精進何謂為禪有者之故
 行禪定耳以見吾我便攝息之是曰
 禪定何謂所著之故行智度无極若
 智度无極而不可盡悲傷光暉樂得
 聖慧勸助道德是曰智慧是曰所著
 故六度无極何謂益他人度無極六
 事以樂德勲開化衆生是為布施依
 猜慈心不懷傷害是曰持戒所治正
 法恚能忍之而不穢厭是曰忍辱若
 為彼人勤修至行欲濟危厄慈得未
 安是曰精進若有以法心懷思惟積
 德清淨是以禪定以斯因緣充滿飽
 足一切衆生顯揚道意是曰智慧是
 曰益他人六度無極何謂塵度无極
 極六事以棄顛倒布施所作不望其
 報是曰施與所有財業因依戒禁用
 衆生故習於忍辱精進一切已身所
 住思惟經典修行寂然而在憐怕住

賢如經卷三 第九 四

於其內是曰智慧是六處所度无極
 何謂道度無極六事若能習行無所
 從生法忍靡不堪任是曰布施若以不
 得身口心際是曰戒矣而以於法真
 諦修頓悉无所諱是曰忍辱若身口
 心不住返逆不志雜碎勤修不懈是
 曰精進設奉行法心以精專志无所
 著好一切智所了如審是曰一心解
 三界空如幻化夢道无三世去來今
 也拔濟塵勞是曰智慧斯是佛道六
 度无極佛告喜王何謂慧度无極若
 不毀斷善權方便開化衆生以慈濟
 之是曰布施若以造作五百頌偈棄
 捐九十六徑消衆苦惱奉尊正見超
 至善處永安之土是曰戒矣若除苦
 患慧室寂然默於嫗欲勤修精進展
 轉相教以道相度是曰忍辱奉行自
 制如是所有國土人民象馬車乘欲
 恬怕已識求苦元了無根本是曰精
 進念已慙彼則致引安猶如莖葉然
 後會寂其心堅固亦如師子鹿獸之
 王復若導師度衆賈人是曰精進若
 興一心色无所生發聲聞法起緣覺

賢如經卷三 第九 四

法在於其業而不減度是曰一心若以於法无有衆生無我无人不有壽命猶如六事修道念法出家行學到去十惡是曰智慧是慧度无極六事何謂為已修立行智度无極有六事若得大財勸於己身及愍衆生救助惠之是曰布施設在天上又在人間來致安隱自然飲食是曰持戒若遠忍辱欣豫寂然顏色第一猶如蓮華至崇高貴无極之報是曰忍辱既行佛道不仰他人雖奉違修身自獨立是曰精進若受禪定常若劫毀劫成之時來到此國是曰一心雖處世間懷誠信行護身口心是曰智慧是曰為已勤修六度无極何謂速得度无極有六事若了布施致大財富以是所施速得佛道勸助一切是曰布施心無所著寂靜快怡而不起想以是持戒勸濟衆生是曰持戒其不誹謗法无傷害心至成佛道未曾有恨是曰忍辱設奉精進不抱惱熱夙夜修行是曰精進身遵至教一切无犯速得三昧是曰一心若奉行一切諸法

賢劫經卷第二 第十二 同

靡所不了達一切无是曰智慧是曰速得度无極六事何謂念度无極有六事若得奉行布施之德以勸助道濟度衆生是曰布施其身心所獲功祚戒禁之報以施合道是曰持戒設受諸法合集在會所顯審如審是曰忍辱設无所次方便奉行彼此有慧精進无身是曰精進若發禪思所斷瑞應諮受大德是曰一心奮越彼岸聖超在頂以授道次將養其意所將養者守護心行頌宣道法是曰智慧是曰菩薩念度无極何謂離世度无極有六事若以方便斷諸有為勸至无為道果之德是曰布施若求禁戒慕道法元心不邪想是曰持戒若了無常苦空非身解内外法好斯法樂是曰忍辱其以精修无傷害意兼遵所願往古之義心無所著是曰精進設以禪定不捨至觀以是之故滅除塵勞是曰一心假使不乱十二緣起攝權方便不遠塵勞從其衆人心懷所好隨時開化是曰智慧是為六何謂造有所作業度无極有六事以

賢劫經卷第二 第十三 同

所施業四恩之祚加於衆生是曰布施若用禁戒為无央數衆生之類皆令蒙恩而得濟度是曰持戒猶若飛鳥禽獸新生之時墮著火中菩薩見之滅火脫難彼這見安救施恩義因發道心是曰忍辱設復開化教訓无数國土黎庶隨時降衆若在八難造立忍辱假使截頭遺衆苦惱恚以忍之一切諸厄心不起恨是亦忍辱設有所見以四恩行有所加益隨時精進奉遵大慈无盖之哀以化衆生不可稱計以為元首勸助一切斯心所行何見所苦導利三界以蒙普覆是曰精進若未修行智慧之尤而以精勤一切諸法无所違失有見解空了三脫門是曰一心若志一心衆善德法而不忽忘使无衆想悉入佛道從其所依因教訓之至於无想不願脫門是曰智慧是為六何謂休息道度无極有六事若斯吉祥意所好樂世俗之業以所布施入於正見合集勿德勸助衆生是曰布施其心休息志信道慧以所施與正語正命正業正

賢劫經卷第二 第十四 同

方便是曰持戒菩薩所作休息道者戒之所度其无所從生法忍不望想報是曰忍辱心不可得身復精進而无所荷是曰精進捐去顛倒定意不乱專精攝意令无放逸是曰一心若攝無想執智慧聖度脫危厄衆惱之患是曰智慧奉行正見正意興發一道乃不退轉是曰智慧休息道度无極六事何謂不置速度無極而有六事若施一切以權方便而發道心是曰布施心无所害無倒為道至長矣隱所到無患若有菩薩從梵術天具足來下動大千世界得淨深土是曰持戒若以忍辱而為懷來興建立道超世八法是曰忍辱精進勸慈加於衆生是曰精進若致一切正受禪定而无放逸受四等心是曰一心以智慧度無極願行勸助成一切法方便之宜靡不周濟是曰智慧是為六何謂應順度无極有六事若成明施與同心俱而無異念是曰布施若以禁戒勸令離欲无穢之行清淨猶水是曰持戒若以和心勸化衆生使無恨心

覺知經卷第三 第五十五

是曰忍辱設以勤修方便寂然是曰精進其用柔和醫藥法書能動天地若以禪思消滅諸見六十二疑遊於塵勞而无所畏是曰一心若以智度動於天地學問著疏慧通大哀曉解善惡苦樂所趣依仰恃怙於一切智開士由是見无所畏是曰智慧是為六何謂造作度无極有六事既自布施教他使施復勸他人以慧衆生慈哀護之是曰布施用衆生故常依慈心而不放逸斷衆惡業是曰持戒其以將護柔和恩潤不起瞋恨是曰忍辱設令功德善本至要與隆道化濟諸不逮是曰精進其以禪思无常若空非身之義悲解是事不墜四倒是曰一心若以智度令衆善本而不漏失建立現在消諸不善以權方便多所開化度脫一切是曰智慧是為六何謂无作度無極有六事若以五欲功勳之德教授衆生是曰布施設以將護无數衆人用斯品次奉佛法戒護所生處是曰持戒以是寂滅愛欲塵勞訓誨衆生使其殊特是曰忍辱

覺知經卷第三 第五十五

在於世俗遊於无窮戲樂自在以斯眷屬開化衆生是曰精進設以禪定志護覺意无所不達是曰一心若信智慧學無極明以斯智慧度脫一切是曰智慧是為六何謂為意度无極有六事若離勸助而不想報是曰布施所奉禁戒无所毀犯勸助佛道是曰持戒所修平等而行柔軟是曰忍辱勤修不懈進退制已是曰精進若能奉行捨諸放逸不懷憤亂是曰一心若有所聞聖明之德以勸助道是曰智慧是為六何謂勤修度无極有六事一切所有无所受惜而能放捨由入大海致諸財寶以濟衆生是曰布施若護禁戒自離所瞻不着名色是曰持戒有懷壽意而欲加害乃至截頭節支解心不懷恨是曰忍辱若能越度一切論議其心寬和猶如大海一時枯竭恣意得過是曰精進若在中宮愛欲之中不失四禪是曰一心設能觀察一切万物猶如幻化勤无所得深入微妙不失聖明是曰智慧是為六何謂正真度无極有六

覺知經卷第三 第五十五

事有所施與捨衆果畢无所怖求是
曰布施來修微妙不違禁法不棄聖
義既有所施擇衆放逸離諸惡趣能
建立志是曰持戒能忍一切不諍善
法常施仁慈是曰忍辱普於精學而
不怯弱是曰精進若於禪思能自勤
修入於三昧殊特之業調護其心乃
至所願如大善見轉輪聖王雖在國
土消除貪想瞋恚害害想慈念衆生是
為一心而於聖明普无所著盡觀大
哀无傷害心是曰智慧是為六何謂
行捷疾度无極有六事住無所逮而
造福施其心坦然而无所歸是曰布
施若奉禁戒不求產業无所想念是
曰持戒遵一切法不墮顛倒隨時行
仁是曰忍辱從其所樂終不迴轉日
日勤修乃至成就是曰精進若執智
慧禪思无極是曰一心若有菩薩在
於聲聞行無餘慧於緣覺地慧至無
餘不墮於欲及凡夫中亦无缺漏欲
有勸度故在其中志无所著是曰智
慧是為六何謂深奧度無極有六事
若有所施不念我得施於一切是曰

賢劫經卷第七 第十八

布施所持禁戒以順衆生不倚生死
斯則聖明之所教法是曰持戒棄邪
見法初發大意建立仁和以是深戒
用忍无極遵解無我不懷妄想无所
榮美亦無不美亦非不美是曰無異
名為忍辱在邪見法立勤修行而於
三界悉无所著不念滅度是曰精進
有在外學諸邪見業所行平等正真
之道是曰一心處於智慧修正真法
而不惑乱所在遊至而不罣碍其心
寂然常无放逸是曰智慧是為六何
謂難度無極有六事設有所施若干
種味品各異可受者意殖若干福
不自貪身復為頌宣若干章句若取
佛土具足所願是曰布施建立禁戒
嚴淨佛土不違所措是曰持戒若彼
佛土所有衆生諸穢薄少心无瞋害
以是勸助是曰忍辱若能獨步聲聞
緣覺及菩薩衆是曰精進設諸衆會
嬉怒癡感身處其中而不乱是曰
一心其以智慧執權方便在所遊入
未曾虛妄无所依仰講深妙法是曰
智慧是為六何謂清淨度无極有六

賢劫經卷第七 第十九

事若以已心自淨佛土無有瑕穢是
曰布施設能恭恪一切衆會不被輕
慢是曰持戒設能平等成就佛土平
如手掌細軟柔和猶如天衣若干種
寶雜廁其地而无放逸是曰忍辱若
以周旋不可計會一切國土莫不恭
敬猶如渴仰是曰精進若以相好恣
能成就光明遠照去心穢病消衆塵
勞是曰一心若解衆生猶如幻化而
為說法下及禽獸而不妄捨是曰智
慧是為六
无際品第八
佛告喜王菩薩何謂无際度无極有
六事若見衆人心懷陰蓋先布施已
却為說法而開化之是曰布施若抱
塵勞訓誨消除令无有餘是曰持戒
若世愚人迷起人想不懷怯弱心無
所畏為分別說令无邊際是曰忍辱
若設善方便去罣碍令无暗翳是
曰精進住无我忍棄衆邪業禪定不
乱是曰一心若以智慧成就辯才所
入平等而說无邊一切禪定定意脫
門正受无所毀害是曰智慧是為六

賢劫經卷第七 第二十

何謂信道度無極有六事若能決了
所可布施勸助道法是曰布施若察
禁戒而無缺漏所行具足是曰持戒
住在四禪奉行空事消所著想是曰
忍辱若住空法行等方便身心行
而無所犯是曰精進若修禪定於內
於外而無所著是曰一心以智無極
住十二緣不亂諸法順從聖明是曰
智慧是為六何謂為衆生厄故度無
極有六事若行慈心以為尤首志懷
悅豫淨三境界是曰布施若心專精
清淨無垢是曰持戒若除地獄堪任
衆苦能制其意是曰忍辱若攝四等
惠施仁愛利人等利隨時方便救護
危厄是曰精進現阿須倫修行清淨
身自住現安護衆生奉無怒法投護
他人是曰一心若意清淨所念具足
住於安諦開化衆生微為分別不厭
說法消化塵勞是曰智慧是為六何
謂法故度無極有六事若能達得十
八不共諸佛之法是曰布施樂於經
典建立至願成就脫門護身口意是
曰持戒若與大哀去於小慈為衆生

故常懷柔軟是曰忍辱若四神足輕
舉能飛常行方便而為尤首是曰精
進住四意止禪定為本究暢悟急四
分別辯是曰一心識識文字達致惣
持所教演法入一切意攝四無畏宣
不退轉是曰智慧是為六何謂寂樂
度無極有六事若布施時能攝其心
已攝其心願在獨處必有勸助是曰
布施以能拔去諸陰蓋恚令清徹是
曰持戒所生之慶解無常苦制衆想
著慕樂仁和是曰忍辱若求於空無
想無願至寂然法是曰精進若以禪
思消滅衆塵受是定意不捨覺意是
曰一心若以智慧樂於寂然快怕光
明得八解門為他人說不墮聲聞緣
覺之地是曰智慧是為六何謂樂觀
度無極有六事若無妄想不計有人
是曰布施察於往古及當未事心自
思惟常所周旋急識念之獲無所得
是曰持戒若心在罪等一切法觀往
衆生壽命人想而恚分別是曰忍辱
堪住所觀善興發禪求無所稽合集
修行善權方便是曰一心若不見欲

素諸瑕疵於瑕疵法无所犯負不失
道意無漏清淨專捨無衰自調心意
并化衆生在於本地而不動轉是曰
智慧是為六何謂一切所入度無極
有六事一切諸法無有與者而自達
得以是勸助救諸窮匱是曰布施若
以大哀勸助衆生而安立之常具聖
慧本無懷恨報應悅豫是曰持戒若
能懷來不退轉法執持堅固而不舒
緩是曰忍辱若信尤首執持智慧設
計方便是曰精進若以禪定究暢成
就療治無數一切羸廢而無危害順
從不難是曰一心若以智慧住種性
法篤信精進其念及定所住無疑不
計有今執權方便堪處世間學與不
學及緣覺慧若成无上正真道法成
一切智是曰智慧是為六何謂說處
度無極有六事若有所施無有二心
常喜平等而無偏黨是曰布施若有
文飭想於戒法諛論犯禁解是妄想
心无所著化諸犯者是曰持戒若倒住
忍而不順從說是處所而有報應是
曰忍辱精進求報所有方便乘於處所

是曰精進若復棄捐一切所有在於
所有而无所所有是曰一心若以常觀
說論諸報无益之業見其處所解无
處所是曰智慧是為六何謂无害度
無極有六事若施來枯及與凡夫等
心无異是曰布施所奉禁法而无所
著欲濟眾生是曰持戒不懷危害越
世八法堪任本際是曰忍辱若能覺
了魔所建立篤信勤修消諸罣碍是
曰精進定无所毀入無罣碍道德之
門逮平等果是曰一心若以智慧周
旋往返一切世俗度世之法而無所
損是曰智慧是為六何謂无敗度無
極有六事志性專和不存在色而順
其理若以法施及衣食施是曰布施
雖奉禁戒其心質朴无有諛論是曰
持戒心如虚空和合而成是曰忍辱
所修勤力一切所說不用財業所宣
妄言是曰精進其所禪思永无所著
是曰一心其奉聖達順其文字以益
他人是曰智慧是為六何謂貧度无
極有六事若除色像所興立德以法
布施若衣食施是曰布施性不雜碎

賢劫經卷第二 第三十四

所奉无論順其禁法是曰持戒遵修
仁和猶如虚空无增減心是曰忍辱
若在窮厄志存衣食寂滅身心是曰
精進若至梵天而為講說禪定之業
勸助道德是曰一心豐於智慧而在
眾塵財業甚多放逸之中所在覺穢
而不捨遠不患厭之是曰智慧是為
六何謂不迴還度无極有六事若有所
施不著聲聞及緣覺法道不退轉是
曰布施雖不迴還不毀禁戒乃成佛
道是曰持戒越諸聲聞及緣覺地不
中墮落而取滅度是曰忍辱若以精
進執權方便无所違失至一切智是
曰精進菩薩若在一切五樂能以方
便禪思一心戒眾塵勞逆承智慧是
曰一心若執智慧化諸凡夫沙門梵
志上至聲聞入於緣覺度世正見連
立大哀是曰智慧是為六何謂迴還
度无極有六事若有所施不志滅度
不耽習俗是曰布施若學禁戒所聞
勤少不能廣博是曰持戒若習仁愛
不能遠離住於瑕穢瞋恨之地是曰
忍辱若以勤儉志在榮樂不能制門

賢劫經卷第二 第三十五

是曰精進若學禪思在外忍辱不計
吾我是曰一心所志智慧度於世業
不能自拔是曰智慧是為六何謂嚴
淨度无極有六事而有所施不望其
報福加一切是曰布施所遵禁法而
无懈怠恒奉勤修是曰持戒又以仁
和心無所倚精進合道是曰忍辱捨
我及彼而无有異是曰精進若以禪
定不計所有不造因緣強而有勢是
曰一心若分別解一切陰蓋不以疲
勞是曰智慧是為六何謂堅強度无
極有六事魔所化現不能動搖毀其
寂靜菩薩所施心无所生一切所有
皆能放捨是曰布施若以禁戒有所
美樂不著吉良不擇時節惟勸助道
是曰持戒所懷柔軟无能毀者消害
眾結是曰忍辱若興精勤不以為患
不耽土地所周教化是曰精進若以
禪思為一切故而廣勸化正受自在
遊居无罣碍是曰一心若聖明法思惟
忍辱一切所行而不荒亂是曰智慧
是為六何謂興感度无極有六事若
有所施不墮顛倒住中正法是曰布

賢劫經卷第二 第三十六

施所執禁法永无所思以是熾盛是日持戒以仁和心而无所著棄諸危害因緣之業是為忍辱若於吾我諍訟家業斷諸苦患滅眾所著身之塵勞永以滅盡順從空教是日精進設獸無常了於十二牽連之義心性堅住是日一心若捨智慧及與元明水無有二是日智慧是為六何謂充滿度无極有六事若有所與勸至解脫不慕生死是日布施奉持謹慎不忘他人又菩薩心以念戒時終不違立聲聞緣覺怯弱之法是日持戒若以仁和嚴淨成就無數佛國滅於三事志願教化是日忍辱其用精進常不懈倦心進至義是日精進反覆解義心寂不乱是日一心設以聖明攝三脫門不中取證是日智慧是為六何謂為世度無極有六事其有所施心遊存俗不勸於道是日布施若以放逸不能謹慎常猶豫行不能直進是日持戒若合進力強欲自制堪任而耐是日忍辱常以勤修習世俗法是日精進其心有願所生之慶而无二

法苑珠林卷第廿五 第七十通 月

念是日一心若以俗智開化教人不出于世是日智慧是為六何謂度世度无極有六事若以教施及衣食施宣解道意用是道故坐於樹下而自宣曰快哉福之報所願必如志疾至寂寂然乃歸趣滅度是日布施入於聲聞緣覺轉進引護消除諸罣碍是日持戒若无漏法常奉仁和是日忍辱若以速得无所從生法乃坐佛樹訓誨眾生是日精進若有菩薩平等三昧諸根具足聖惠成就是一心若以專心行道正法無怨害心元聲聞意及緣覺行歸一切智是日智慧是為六何謂无上度無極有六事若信无教清淨佛土愍念眾生而不斷不可計劫而欲度脫是日布施住於法想棄三惡趣取淨佛土是日持戒若成佛道皆令眾會紫磨金色分別章句是日忍辱若習等施猶如无怒佛為菩薩時奉進至真是日精進若處家中奉於四禪不失定意若在中宮嫗女之間佛土清淨少欲塵勞眾會報應是日一心若攝佛國壽

法苑珠林卷第廿五 第七十通 月

不可計嚴淨无限存在眾中辯才无量是日智慧是為六何謂不乱度無極有六事若有所施勸助應法疾得神通是日布施所奉禁戒而不毀斷賢聖之法成就至道倫善善地是日持戒若能獨除一切非法奉切勲法是日忍辱若能厭世奉具足典諸佛所說善惡之義而志信念是日精進若住禪定智度無極而住愛欲觀察經道覺而不捨亦无所著是日一心曉了菩薩道法根原是非取與而悉分別是日智慧是為六何謂无怨度無極有六事有所住處常能將護令无有失是日布施而不退墮聲聞緣覺不中取證是日持戒若斷吾我不計有身是我所者除於結縛因緣之事是日忍辱遠離世俗第一惡感歸於智慧順從方便是日精進其刈諸見聞念諸法得志永寂是日一心若消除疑智慧平等遵无想行一心在道一切智尊是日智慧是為六何謂怨敵度无極有六事若有所施莫求望報而與眾生心懷怨恨至於法寶

法苑珠林卷第廿五 第七十通 月

是曰布施若斷三惱勤苦之趣志願
梵術乃至滅度是曰持戒與諸菩薩
真正眾生而懷忿恨是曰忍辱若遵
仁和多所開化非時勸助因其勤修積
化無數如先世菩薩所願有所度脫
持於恩愛而自調習令成其道是曰
精進若說无尋成三昧定菩薩正受
使一切人善得安隱是曰一心若為
已身求於智慧道德根原究竟道義
自在正覺不解若干所好義者是曰
智慧是為六何謂攝持度无極有六
事若勸所願攝持功德是曰布施若
與發戒執取眾生療治至義是曰持
戒若能建立攝取仁和是曰忍辱若
以時節奉行勤儉不中懈廢是曰精
進隨時禪定勤化無數百千眾生是
曰一心若以聖智消諸弊導而无所
著是曰智慧是為六何謂無所攝持
度无極有六事若以所施速得辦才
所可遭遇不以增減已身建立若干
品類是曰布施不樂家居慕菩薩道
是曰持戒若能堪任深要之法而不
疑結是曰忍辱精暢不依仰人是曰

賢劫經第二卷 第五十二 月

精進若以禪思了奉空事思惟人本
導承道法念无所生是曰一心若遵
義理及更滅度所學經典入三昧定
消滅罪福是曰智慧是為六何謂報
應度无極有六事若能恪恭所作布
施不令闕漏究暢福慶是曰布施若
能勤修重將其身具足所應是曰持
戒其仁和行在所說事究竟成義是
曰忍辱勤修所行一切吉利无所違
失是曰精進其以禪定識於往古前
世所處以慧證明是曰一心其成聖
智頌宣至誠靡所不通是曰智慧是
為六何謂无報度无極有六事若有
所施建立勤苦見諸患難輒能覺了
不念獲致無所怖望是曰布施若於
中處致百千蓋建立滅度在於種種
不住顛倒是曰持戒若有所修不得
身口及心念行合和柔順是曰忍辱
所行寂然无有妄想是曰精進若以
禪思住寂滅地不生想念是曰一心
慧眼所觀不以滅盡歸无所歸是曰
智慧是為六何謂自然度无極有六
事若有所興心無所念是曰布施若

賢劫經第二卷 第五十三 月

以其心不怖望報福是曰持戒其人
无我自然柔和是曰忍辱諸所勤修
不行二法無有因緣是曰精進其在
禪定不着内外亦无中間是曰一心
有所觀察永不分別一切諸法是曰
智慧是為六何謂无所有度无極有
六事其心不念於當來事所建立福
是曰布施解於一切周旋三界如幻
如化是曰持戒若眾善想若无善想
常抱仁和心不懷此是曰忍辱若修
行道而无所行是曰精進在於三界
無所怖望其心所在普歸將護一切
眾生是曰一心若不想有為不想无
為造如是行是曰智慧是為六何謂
廣普度无極有六事勤化無數百千
眾生使捨慳吝而好給與是曰布施
所禁順業普同一切是曰持戒所行
方便靡不堪任是曰忍辱若能建立
住四意止而不懈息是曰精進若不慳
吝將護六事存於道法而不迴還能
懷來致八万四千諸三昧行是曰一
心若能覺了一切塵勞結滯之業
捨願聖明是曰智慧是為六何謂華

賢劫經第二卷 第五十四 月

度无極有六事若有所施將慎六情不迴道法是日布施常行恭恪所施謙下而不輕慢是日持戒若能堪任决諸結縛裂衆羅網是日忍辱其勤修行應病與藥不墮罪蓋是日精進捐棄自大奉无盖慈是日一心若以

聖慧有所頌宣無能當者是日智慧是為六何謂无量度無極有六事若有所惠常合智慧是日布施以无量禁常行謹慎无所犯負是日持戒所行仁和致三脫門勸助此已不墮色想是日忍辱若以勤修致四意斷是日精進若以禪思奉行慈愍致七覺

意是日一心若以聖慧脩立悲哀致八道行是日智慧是為六何謂慕求度无極有六事若能出家求鉢衣服輒而得之是日布施其行止足功勳戒具是日持戒致功德藏斷衆患難生死之厄若作國王夫人侍女有所施與聞之嘿然不以懷恨是日忍辱求衆利義積功累

德方便勤苦從鏡光佛來若有所施乃至於今而不懈倦是日精進若勸欺人而順其意曉衆塵勞是日一心若以

賢劫經卷第二 第三十四

順時勸无上慧以是三昧致取正覺欲度衆生而隨順之是日智慧是為六何謂默度无極有六事若有所施致於貧匱建長者寶是日布施若以持戒連修十善不以默之乃勸化人是日持戒若漸護禁啓受道力而獨寂余是日忍辱若不遠捨所起惡德而犯妄想欲至勤修是日精進若以禪思而至棄捐一切非法是日一心

若生苦惱在於三界說已身慧是日智慧是為六何謂妙樂度无極有六事所施福報末生人間一切所欲皆以豐富而不自大是日布施所奉禁戒生於天上若於人間壽命常長是日持戒所謂得人若能速致无所從生法忍是日忍辱所進勤修不虛方便必如至行是日精進所去禪思棄於内外因緣之報其所生處輒如真諦所行如願是日一心其智慧意无

所安相是日智慧是為六何謂無樂度无極有六事有所殺之無所望施不捨衆見是日布施雖家奉禁而有捨家不貪世榮是日持戒其行柔軟而不懷

恨是日忍辱所奉修行勤苦難樂是日精進禪棄等分致於苦惱想衆縛者與難合會是日一心若於聖慧有顛倒想雖為諸苦不從法行是日智慧是為六

賢劫經卷第二 第三十四

賢劫經卷第二

度子歲高麗國大藏都監奉

秘雕

賢劫經卷第二

第三十四